

LUGOWINU'G



Siawinnui'sulti'gw

Siawimegitelsulti'gw

Siawignu'tmasulti'gw

Gisimawilugwatmi'tij:

Lillian Germain

Marilyn Jacques

Blanche Metallic

Jessica Metallic

Vicky Metallic

Lola Vicaire

Milaine Mercier-Pitre

'Nnu'gina'muejig: Mary Ann Metallic aqq Janice Vicaire

Napwi'gigng Gisa'laji: Jonathan Callaghan

Copyright © 2021 Listuguj Education, Training & Employment

All rights reserved. Images cannot be duplicated or reproduced without written consent of the copyright holders of this resource.

Title : Lugowinu'g

ISBN : 978-1-989538-23-4

Date : 202103



“Siawiminuignewa'tu'g 'Gtli'sutiminu”
Listuguj Education, Training & Employment
1 Riverside West,
Listuguj, QC G0C 2R0
www.listuguj.ca

Funded by the
Government
of Canada

Canada 

LUGOWINU'G



Aluse'wit

Nenat wen aluse'wit?

Aluse'wit na etllugwet ta'n wenji'guom etlitas'g.

Pugwelg ta'n goqwei e'w'g elugwej,
'st'ge' mattejjuei, engemgewei,
lasgo'plaq, tma'gittaqaan, plegu'l,
po'qign, te'sipowji'jg aqq jel me'.

Te'sipunqeg pugwelgl wenji'guoml eltu'titl
ula tett 'nnue'gatis.





Gast'pl

Nenat wen gast'pl?

Gast'pl na etllugwet gast'plo'guomg, gatu elg gaqi'sg algitto'qateja'lugwet aqq alapit 'nnue'gatif.

Negm apjigisgaje'g ugjit lien wen nuta'j apoqonmati.

Ta'n getu'tle'g gisiltaqte'muat'sg apoqonmati nuta'n.

Iga'taqawinu

Nenat wen iga'taqawinu?

Iga'taqawinu na apjiw etllugwet
iga'taqanigtug.

Gisigwegewigu's na mena'taqutimg. Na
tujiw gisigweg ta'n iga'taqatas'g'p 'st'ge'
tap'tang, enmapejig, pitlanji'jg, piesgminn
aqq megwe'jijig.

Enmiaq nuta'n ta'n goqwei gisigwenas'g
na gisiugja'tuat'sg iga'taqawinu. Muta
negm apjiw ta's'g mijipjewe gisgaja'toq
ugjit 'ntuisgetun gisna ignmuetun. Aqq alt
masgo'toq ugjit gesigewei.





Lugowinu

Nenat wen lugowinu?

Alt lugowinu'g etllugutijig ta'n
etlitas'gl wenji'guoml, espiganigl aqq
alt ta'n etllugwatas'gl awti'l. Eimu'tijig
waqamnmi'titl maqamigal 'nnue'gatif.

Pugwelgl lugowaqane'l e'was'gl te's piluei
lugowaqan. Millugwet lugowinu.

Malpale'wit

Nenat wen malpale'wit?

Malpale'wit na etllugwet giwnaqa
'gsnugowinuo'guomg.

Negm gisinatnmi't ta'n tujiw
gesnugwan. Pipanimultew ta'n
telo'tegen aqq gisiapoqonmultew.
Negm na nujinpiteget.






PLAMU



JAGEJ



TIA'M



a e i o u p t g j l m n q s w ' a ' e ' i ' o ' u



Nujigina'muet

Nenat wen nujigina'muet?

Nujigina'muet na giwnaqa etllugwet
gina'matio'guomg.

Gegina'matg pugwelg ta'n goqwei 'st'ge' ta'n
telgiljemg, ta'n telwi'gigemg, aqq elg ta'n
telie'wasijig mawgiljemgewe'g.

Na enmiaq gisigwen uligji'teget'sg
aqq 'ntawott'sg pugwelg goqwei.

Nutpipnet

Nenat wen nutpipnet?

Nutpipnet na etllugwet mijipjeweio'guomg.

Nutpipnet na nata'miloqsawet. Pugwelg ta'n goqwei eltoq 'st'ge' petaqann, pipnaqann, gegsl, aqq galgunawe'l. Milamu'g ta'n goqwei e'w'g ta'n tujiw miloqsawej 'st'ge' engemgewe'g gapji'jg, miligijig go'qosignaggw, lapolg, aqq amqwanji'jg.

Ta'n goqwei gisitoq, na gisipgwatelt'sg aqq jijuaqa ignmultew galgunawei.



Jagejue'gewinu

Nenat wen jagejue'gewinu?

Jagejue'gewinu giwnaqa etllugwet apaqtug.

Ula jagejue'gewinu getanaji jagejg.
Teppit mesgi'g 'mtul. E'w'gl pugwelgl
jagejua'pi'l aqq pugwelg waqatign.

Te's toqwa'q ula 'nnue'gatic, ignmuetu'tiji
jagejg ta'n jagejue'gewinu'g gisigtana'tipni.



Nujiwissugwatiget

Nenat wen nujiwissugwatiget?

Etlugwet ta'n mijipjeweï pewatas'g.

Nujiwissugwatiget eig AGS. Angite'tg ta'n goqwei wissugwattew ugjit mewlia'goweï. Pegwatelg mijipjeweï aqq wissugwatg. Gisgajo'laji eptaqang. Eimu'tijig apoqonmua'titl nujiwissugwatigennitl ela'mua'tiji maljewe'jg. Negm elg waqama'teget aqq masqo'tasit.

Nujiwissugwatiget apoqonmasg ulmijjin te'sigisg'g.





Nujiwaqama'teget

Nenat wen nujiwaqama'teget?

Nujiwaqama'teget eig AGS aqq LETE.

Nujiwaqama'teget siguo'laji 'mjegeioqq, waqama'toqol patawti'l, mutputi'l, aqq tuo'p'ti'l. Aqq elg pewi'get aqq gesispa'toqol 'msaqtaqtl. Jijuaqa gesispo'laji eptaqang.

Nujiwaqama'teget te'sigisg'g waqamn'g gina'matio'guom aqq ta'n etllugutimg. Wetmite'tas'g waqamegtn ta'n etlgina'masin gisna ta'n etllugwen. Gelu'lg ugjit tajigo'ti.

Wipite'j Malpale'wit

Nenat wen wipite'j malpale'wit?

Natnmi't wipite'j malpale'wit te's newtipunqeg aqq ta'n tujiw gipit gesnugwasg.

Negm waqama'tasgl aqq angaptmasgl uligwen gipitl. Musga'tasg ta'n tligsispa'tut'sg.

Ta'n gistliuliangott'sg gipitl, na gesispa'tu'nn te'siegsitpu'g, te'siula'gw, aqq ta'n tujiw g's'taln.

Gesgmnaq maja'sin na ignmultew papitaqanji'j.





Nutsaqiget

Nenat wen nutsaqiget?




Nutsaqiget na etllugwet magasang.

Welta'sual'sg pisgwa'n. Apoqonmultew gwilmn natgoqwei magasang. Mawo'tasg ta'n goqwei gisipgwatelmn aqq pijo'toq munte'jigtug. Negm ignmaj suliewei ugjit ta'n goqwei pegwatelmn.

Ulta'sitew app apaja'sin.



NA





“Siawiminuignewa'tu'g 'Gtli'sutiminu”
Listuguj Education, Training & Employment
1 Riverside West,
Listuguj, QC G0C 2R0
www.listuguj.ca